



Bosna i Hercegovina
Federacija Bosne i Hercegovine
Srednjobosanski kanton/Kanton Središnja Bosna
Kantonalno tužilaštvo Srednjobosanskog
kantona/Kantonalno tužiteljstvo Središnja Bosna
Travnik

Broj: T06 0 KT 0039342 26

Travnik, 16.07.2026.godine

OPĆINSKOM SUDU U BUGOJNU

- Sudiji za prethodno saslušanje -

Na osnovu odredbe članka 45. stav 2. tačka i)., član 241. stav 1. Zakona o krivičnom postupku Federacije Bosne i Hercegovine, p o d i ž e m

OPTUŽNICU

Potvrđena dana 10.08.2026. godine.

Protiv:

M. Đ.

Što je:

Dana 08.02.2026.godine oko 00,40 sati u naselju Čurčića Lug, općina Bugojno, upravljajući pmv marke „Opel“ reg. oznaka ***, u kom su se kao saputnici nalazili J. S., T. S. i H. O., krećući se magistralnom cestom M 16, iz pravca Donjeg Vakufa prema Bugojnu, postupio suprotno odredbama člana 36. stav 1., 44. st 1. 57 st 2, 130 st 4. Zakona o bezbjednosti saobraćaja na putevima u FBiH, tako što je započeo radnju preticanja vozila ispred sebe, a da se nije uvjerio da to može učiniti bez opasnosti za druge učesnike u saobraćaju vodeći računa o položaju vozila, pravcu i brzini kretanja, vozeći u naseljenom mjestu nedozvoljenom brzinom od 109 km/h, na mjestu gdje je saobraćajnim znakom brzina kretanja motornih vozila ograničena na 60 km/h, te vršenjem radnje preticanja na mjestu gdje je to vodoravnom signalizacijom zabranjeno i u okolnosti kada se drugo vozilo kretalo iz suprotnog pravca, svjestan da upravljajući vozilom na opisan način dovodi u opasnost život ljudi ili imovinu većih razmjera ali je olako držao da do opasnosti neće doći ili da će je moći spriječiti, uslijed čega je, u momentu kada je preko pune linije prešao na suprotnu kolovoznu traku, u kojoj se u tom trenutku iz suprotnog smjera kretanja kretalo vozilo VW Golf reg. oznaka *** kojim je upravljala A. J., a u kom se kao suvozač nalazilo M.K., došlo do čeonog sudara dva vozila, posljedično kog sudara su teške tjelesne ozljede zadobili J. S. u vidu višestrukog prijeloma butne

kosti uz potres mozga, H. O. u vidu prijeloma dijafize lijeve nadlaktice i A. J. u vidu otvorenog prijeloma čašice desnog koljena, prijeloma metatarzalnih kostiju lijevog stopala (II-IV), prijeloma 4-te metatarzalne kosti desnog stopala, dok su M.K. i T. S. zadobili lake tjelesne ozljede.

Dakle; kao učesnik u prometu na putevima, nije se pridržavao saobraćajnih propisa i time ugrozio javni promet i doveo u opasnost život ljudi i imovine većih razmjera, radi čega je kod drugog nastala teška tjelesna ozljeda.

Čime je počinio: krivično djelo Teška krivična djela protiv sigurnosti javnog prometa iz člana 336. stav 3. u vezi sa članom 332. stav 3. KZ FBiH.

KANTONALNI TUŽILAC

Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom